



SPRACHWELTEN

Pli gugent filosofar

Sco manischnunza d'ina motoretta èsi grev da discurren da «motocross». E cunquai ch'i na sa tracta betg d'ina passiuin, èsi anc pli grev da prender posiziun davart quest tema. Dunnas raquintan pli gugent da la moda u da la litteratura, u filosofeschan simplamain sur da quai e tschai. Durant ch'ils umens discutan profundamain davart ils temas autos e motos, s'occupan dunnas da l'educaziun dals uffants, da la moda, da frisuras, da la litteratura actuala, ed uschia vinavant. Tgi che ha legi il manual co ademplier giavischs, sa ch'igl è pussaivel ch'il job dals siemis, il prinzi da la vita ed auters desideris pon sa realisar, sch'ins crai avunda ferm vidlonder. Il cudesch «Bestellungen beim Universum» descriva tecnicis dar far empustaziuns tar l'univers. I dovra in pau exercizi per dumagnar las tecnicis, ma l'exercizi fa il maister. Uschia hai jau giavischè da chattar a Cuira la medema motoretta sco en la Bassa. Sa chapescha è il desideri sa realisà, sco giavischè, per 600 francs damain. Avant che ir cun mes vehichel a motor en citad, giavisch jau adina il medem parcadi. Cun l'auto funcziunava questa tecnica dal reminent era. Jau sun da l'opiniun ch'i valia gist uschè bain la paina da filosofar davart ils giavischs a l'univers, sco da raquintar in chaschiel sur da «motocross». E less jau ina giada pelvairina ina maschina pli gronda, ordinesch jau ella. Tgi ch'inscuntra alura mai en in nov auto, sa che la tecnica funcziuna. La litteratura porta damai dapli a la vita che «motocross».

Sybille Pfiffner